

應勘會稅帳諸大夫位祿事

右得神祇伯忠望王等解狀稱年中給物最在位祿而諸國司等只事申返無意下行依斯或徒疊數年官符永苦生計之難或空疲一人行李難免亡路之嶮其窮困尤甚者既至餓死衙門謹檢案內諸家封租及諸司大糧皆是以租穀分行之色也然而依勘會抄帳無申返之例但至位祿物雖同色以不預勘會自懸國司之進退仍常宗抑留會無充行非有新制何休衆歎望請始自今年令備勘會將斷申返累然則為公無損為人有慶者右大臣宣宜以本主請牒并使者請文副承知官符勘會稅帳者省宜承知依宣行之符到奉行

右少辨源朝臣

左大史大藏宿禰

承平七年十月十六日

〔權記〕長保二年六月廿日乙丑主計允昌光送穀倉院位祿官符於遠江土左等國司許遠江官符近江令付國司

土佐官符

〔雲州消息 中末〕源美子位祿官符事

右別納租穀若無用殘早可被返遣申文也女位祿已以減半於被解濟何有事費乎謹言

十一月 日

散位平

謹上播磨守殿

女位祿事

右別納租穀已無用殘然而為恐嚴旨可解濟侍就中彼人昔日雲上之間所相好也縱無仰事何無其情乎今年風雨順時年穀豐稔任中公事季內可勘畢申請事等可令加催給也委曲之旨期參啓候某謹言

十一月十五日

播磨守